



14. Tschanteda dal cussagl cumünel in marculdi, ils 17.7.2013 a las 19.00 in chesa cumünela S-chanf

Presidi: Duri Campell

Preschaints: Ines Barblan, Gian Fadri Largiadèr, Paolo Bernasconi (a partir da tractanda 116)

Absaints: Gian Andrea Bott, Paolo Bernasconi (fin tractanda 115)

Actuar: Duri Schwenninger

Tractandas:

1. Protocol
2. 0.211 Dumandas da fabrica
3. 6.200 Nandet-Chapella, surdeda lavuors da catram
4. 6.200 Punt dal Fuorn – Flin, surdeda lavuors da catram
5. 1.010 Cataster solar Repower SA, credit fr. 1'000.00
6. 9.999 Varia

La glista da tractandas vain approveda cun la müdeda, cha la tractanda 2 dess gnir spusteda zieva la tractanda 5, siand ch'ün cusglier vain pü tard e causa chi's tratta d'ün affer persunel, nu füss il cussagl abel da decider.

Protocol: Il protocol da la tschanteda dals 03.07.2013 vain approvo unanimamaing.

113 6.200 **Vias e piazzas cumünelas Nandet-Chapella, surdeda lavuors da catram**

Per catramer la via da Nandet vers Chapella (Arosnas), s'ho trat aint offertas. Resguardand l'import previs il preventiv 2013 surdo il cussagl unanimamaing la lavur a la firma Walo SA da Samedan, per l'import da fr. 48'406.70, inclus l'imposta sülla püvalur. Tar la surdeda s'ho resguardo la ledscha da submitsiun scu eir l'offerta la pü favuraivla.

114 6.200 **Vias e piazzas cumünelas Punt dal Fuorn – Flin, surdeda lavuors da catram**

Per catramer la via da la Punt dal Fuorn fin Flin, s'ho trat aint offertas. Resguardand eir co l'import previs il preventiv 2013 surdo il cussagl unanimamaing la lavur a la firma Hew SA da Zernez, per l'import da fr. 45'818.15, inclus l'imposta sülla püvalur. Tar la surdeda s'ho resguardo la ledscha da submitsiun ed eir co l'offerta la pü favuraivla.

**115 1.010 Imsüraziuns, termaziuns, geometer
Cataster solar Repower SA, credit fr. 1'000.00**

La voluntad e la neccessited politica da sustegner implaunts solars tar la confederaziun vain adüna pü granda. Nos chantun es fich adatto per simils implaunts, siand cha la düreda dal sulagl es in conguel cul rest da la svizra fich buna. La Repower SA ho l'ideja da spordscher üna plattafuorma cun ün cataster da solar, cha mincha proprietari d'immobiglias po recuognuscher, scha sieu edificzi es insomma adatto per nüzzer l'energia solara, saja que termica u electrica. L'iniziant propuona da metter in quint üna contribuziun vi da las spaisas a las vschinaunchas chi vuessan fer part a la plattafuorma, tenor cifra d'abitants. Per nosssa vschinauncha muntan ils cuosts a fr. 1'000.00. Il cussagl decida unanimamaing da fer part al cataster solar e deliberaescha il credit bsögnaivel.

**116 0.211 Dumanda da fabrica
Cumünaunza da gestiun Campell/Meng, nouva stalla da chavals**

Il cussagl piglia cugnuschentscha da la dumanda da la cumünaunza da gestiun Campell/Meng per eriger üna nouva stalla da chavals sün parcella nr. 788 a Chapella. Zieva chi'd es avautmaun il permiss da l'uffizi per il svilup dal territori decid'il cussagl unanimamaing da conceder il permiss da fabrica cun differentas cundiziuns. Duri Campell s'ho absanto per quista tractanda.

117 9.999 Varia

Il depüto orientescha regard la furmaziun surlavureda da la piazza davaunt la chesa cumünela in connex cun las lavuors da fabrica dal schlargiamaint da l'infrastructura in Chauntaluf. Il cussagl piglia cugnuschentscha dals seguaints müdamaints: il mür vain spusto uschè, chi do nouv 5 parkegis pü u main listess lungs. Cun que vain la s-chela ün po pü stretta.

Il depüto orientescha sur da l'inscunter cun la pulizia e'l planiseder da trafic regard las restricziuns da trafic, l'uorden da parker. Ad es gnieu propost da la pulizia da fer differentas adattaziuns. Üna proposta concreta vain suottamissa prosmamaing al cussagl.

A las 20.20 vain la tschanteda alveda.

In buna fè

L'actuar:
D. Schwenninger